



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 217. De manso tradito in villa Stochem in pago Bardanga.

**urn:nbn:de:hbz:466:1-36114**

Ab anno  
854 vsque  
877 re-  
gnante  
Hludo-  
uico et

§. 217.

Tradidit suuiteruf mansum cum familia in *bardengao* (1) pro filio suo testel . . . . .

§. 218.

astutie interuentu ab ipsis officiis poterunt alienari. *officiorum* quoq. *fili* *seniores* et *legitimi* *patrum* *succedunt* *officiis* *pleno* *iure*. uerum etiam quod in ciuitatib. oppidis. et uillis campiones denariorum non fiant. nisi de consensu et uoluntate abbatis. et moneta nullatenus sit cuedenda. nec non quicumq. ministerialis uel officiat<sup>9</sup> personam dñi sui nequiter infederendo uel captiuando uel perfide spoliando offenderit iure suo atq. officio priuari debeat. nec de beneuolentia principis relaxetur. quicumq. etiam abbas dotem ecclie. nisi de consensu et communi deliberatione capituli sui. obligauerit. creditor abbatem successorem suum arctare non possit rigore iuris. cuiusquam obligationis et debiti occasione. demum etiam quod donationes mansorum. concessionem feudorum. obligationes pignorum. ante receptionem regaliū facte in irritum sint reuocande. Cum igitur uniuersa p̄dicta dictante principum atq. aliorum magnatum et fidelium imperii sententia sint confirmata nos. qui omnium eccliarum iura infra regnum n̄r̄m firmiter stabilire. et antecessorum n̄r̄m concessionem singulis ecclis confirmare debem<sup>9</sup> atq. intendim<sup>9</sup>. fidelitati n̄r̄e mandam<sup>9</sup> sub pena gratie n̄r̄e firmiter p̄cipientes. quatenus ea. sicut fidem n̄r̄am et honestatem concedet. abbati p̄nominato tamquam dñō n̄r̄o illesa atq. integra conseruetis. quod qui non fecerit. indignationem omnipotentis dei n̄r̄eq. maiestatis grauem offensam se nouerit incursum. Et ut hec ipsi abbati suisq. successorib<sup>9</sup> conseruentur illesa. atq. hec confirmationis auctoritas perpetuum firmitatis obtineat robur plentem paginam super eo conscriptam typano maiestatis n̄r̄e insigniri iussim<sup>9</sup>. testibus annotatis qui huic facto interfuerunt. sunt autem hi. *Sifridus moguntin<sup>9</sup>*. *Theodoric<sup>9</sup> Treuerensis*. *Conrad<sup>9</sup> Colonien<sup>9</sup>*. *Gerhardus Bremen<sup>9</sup>* archiep̄i. *Herimann<sup>9</sup> Heribolens<sup>9</sup>*. *Theodoric<sup>9</sup> Numburgens<sup>9</sup>*. *Sifrid<sup>9</sup> Ratibonens<sup>9</sup>*. *Heinric<sup>9</sup> Argentinen<sup>9</sup>* ep̄i. *Heinric<sup>9</sup> Spirens<sup>9</sup>* electus. *Heinricus dux Brabantie*. *Albertus dux Saxonie*. *Heinric<sup>9</sup> et Guntherus fr̄es de Swarzinberg*. *Conrad<sup>9</sup> et Euerhard<sup>9</sup> fr̄es de Euerstein*. *Ernestus de Glichin*. *Adolfus de Waldeke*. *Conrad<sup>9</sup> de Nurinberg*. *Wiedekind<sup>9</sup> de Swalenberg*. *Emicho de Liningen*. *Heinric<sup>9</sup> et Herimann<sup>9</sup> fr̄es de Henneberg*. *Godefcalc<sup>9</sup> de Perremont*. *Heinric<sup>9</sup> de Nieffen*. *Berthold<sup>9</sup> de Zigenhagen*. *Wulfram<sup>9</sup> de Veringen*. *Conrad<sup>9</sup> de Redberg*. *Heinric<sup>9</sup> et Herimann<sup>9</sup> fr̄es de Woldeberg*. *Heinric<sup>9</sup> de Sladem*. *Bernhard<sup>9</sup> de Spiegelberg*. *Ludolfus de Daffila*. comites. *Bernhard<sup>9</sup> nobilis de Lippia*. *Burcard<sup>9</sup> marescalc<sup>9</sup> de Querenfort*. *Conrad<sup>9</sup> de Sconenberg*. *Herimann<sup>9</sup> de Lobedemborg*. *Godefridus de Eppenstein*. *Herimann<sup>9</sup> de Brakel*. *Albert<sup>9</sup> de Scardenberg*. *Raueno de Papenhem*. *Conrad<sup>9</sup> de Winterfeten*. *Conrad<sup>9</sup> de Amelungesen* aliq. quam plures.

Acta sunt hec in castris apud hocheim anno dñi M. CC. XLVI. indict. III. VIII. kal. iunii. III. die electionis n̄r̄e. dat. per manum Burcardi de Zigenhagen p̄pos. Frideflar. uice dñi Sifridi moguntin. archiep̄i et archicancellarii.

De Bar- done.

De pago Bardan- ga.

(K) *Bardo* hic videtur nullus alius fuisse, nisi *Bardo* comes, Waldeccensium comitum progenitor et communis parens.(1) Mentionem hic fieri de pago *Bardanga* intra Principatum Luneburgicum sito, de quo egimus supra §. 126, patet ex nostro Registro, in quo sequitur in pago *Bardanga* eiusque villa *Stochem*, ad quam mansum vnum positum esse, asseritur. Quemadmodum autem de eadem villa pluribus agendi nobis occasio dabitur in Historia nostra Corbeiensis, ita hic ventilanda est quaestio, ad quam nam familiam *Suiterus* referendus sit, qui eundem mansum in villa *Stochem* donauit. Vide- tur

## §. 218.

Tradidit baldric in *tyndeldi* (m) quiddid ibi habuit in *adane* mansum unum cum familia in *keinssetha* similiter in *wulfgangri* similiter item in *scie-*

gubernante Corbeiam Adalgatio.

tur ille ad familiam Billinganam referendus. Tam enim ante §. 104. demonstrauimus, eandem familiam in pago *Bardanga* bona sua hereditaria tenuisse. Vnde verisimile nobis non videtur, alium dominum, nisi ex eadem gente ortum, bona habuisse in pago *Bardanga*. Atque eapropter coniecturam ducimus, *Suitgerum* fuisse fratrem *Amalungi* tertii.

- (m) *Tyndeldi* villa erat intra pagum *Almunga* sita, non minus quam *Adane*, *Keinssetha*, *Wulfgangri* et *Scieferan*. Ille pagus sine dubio villo olim exstitit in episcopatu Paderbornensi ad flumen, dictum *die Alme*. *Tyndeldi* enim est *Tyndelo* seu *Tyndelen*, et *Adane* est *Aden* in dynastia Wevelsburgica. *Keinssetha* et *Scieferan* villae sunt desolatae. *Wulfgangri* vero est vel *Wulfste*, haud procul a *Brilon*, vel *Wulfershufen* seu *Wulterdesen* in eodem dominio sita, quod a castro Wevelsburg prope Bodecam monasterium S. Meinulfi, de quo egimus supra §. 48. ita dictum est, vel *Wulfesen*, villa desolata in campo *Simsfeldico*. Campus hic hodie longe lateque patet, in quo laeta bouum passim spissis armenta cateruis lanigerique greges errant, quibus vbera largo lacte fluunt. Olim vero illic fertiliores segetes prouenisse, colligere ex eo licet, quod diligentius cultus est ager ab habitatoribus villarum, quarum multae ibi conspiciantur, et quae propemodum omnes vna cum oppido *Blanckenrodo*, cuius documenta nostra meminere, belli Sufatensis fluctibus, a Theodorico archiepiscopo Colonienfi ac Paderbornensi administratore seculo XV. excitatis, sunt vastatae. Celebris autem hic campus est ob Caroli M. regis Francorum tropaea. Cum enim ille, referentibus Annalibus Rerum Francorum, bipartito exercitu anno 794 Saxoniam petere statuisset, eo videlicet modo, vt ipse cum dimidia parte copiarum ab australi parte intraret, eius vero filius cognominis cum exercitus parte altera Rhenum iuxta Coloniam traiceret, atque in eandem regionem ab occidente veniret; Saxones, coitione facta, comparauerunt sese ad bellum in campo *Simsfeld* gerendum. Cum vero ipsi audissent, se gemino exercitu circumueniri, neque viam fugae patere, amissa victoriae spe ad deditionem omnes conuersi, sine praelio victi sunt, et, datis obsidibus, se iurisiurandi fidem seruatuuros, Carolo Magno promiserunt. Hic vero tertium quemcunque, e Saxonum numero delectum, exilii poena multauit, et per regni sui prouincias procul a laribus suis eos distribuit. Ceteri armis exuti aut in villas domosque suas remissi aut militiae Caroli sunt permixti. Saxonum sanguini tamen parcitum a Carolo Magno fuit, qui probe norat, vtilem esse clementiae famam sibi, nouum imperium capessituro, eamque demum praecelaram victoriam appellari posse, in qua plus clementiae est, quam crudelitatis. Postrema autem haec fuit victoria Caroli Magni aduersus Westfalos nostros, qui, se amplexuros religionem christianam, sponderunt, nec vnquam deinceps arma resumere sunt ausi. Eo euentu Deus voluit in campo *Simsfeldico* illustre bellum finire & tumulari. Idem campus ex mente reuerendissimi auctoris Monumentorum Paderborn. p. 186. condecoratur nomine pagi *Soretfeld*, quem pagum litterae caesaris Ottonis III ad annum 1001, atque Henrici II ad annum 1003 dicecesi Paderbornensi tribuunt. Hasce litteras exhibent Nic. Schatenius *Annal. Paderb.* T. I f. 355. et f. 367. et *Monumenta Paderborn.* p. 211 seqq. *Bulibem* villa huic pago adscribitur. Potuit nulla regio in campo *Simsfeldico* nomine *Soretfeld*, nisi haec, insigniri, in qua quippe villa *Bulibem* quondam exstitit. Id ex tabulario Paderbornensi comprobari posse, speramus. Per *Bulibem* enim villam neque designatur *Büblen* in praefectura Waldeck ad fluuium dictum *die Nerze* (non *Vntze*, vti habent *Origin. Pymont.* p. 165.) neque *Bübl* in praefectura Landau, sita ad riuum dictum *die Erpe*, vti *Orig. Pymont.* l. c. volunt. Persuasissimi sumus, procul dubio ibi pagum Itergo exstitisse, vti iam supra demonstrauimus. Quis ergo tandem, quæris, *Baldericus* fuit is, qui sitos in villis *Tyndeldi*, *Adane*, aliisque locis quosdam fundos abbatiae Corbeiensis donauit? Probabiliter, respondemus, *Walderici*, qui supra §. 213. tradiderat, quiddid tenuerat in Bodriki villa pagi West-